

BIH

petak
11. septembar 2020.

Sve o slučaju Ranka Debeveca: Ko i kako ruši predsjednika Suda BiH

Na osnovu "neprovjerenih informacija", Tužilaštvo je započelo bitku protiv Debeveca



RANKO DEBEVEC NA METI 'ANONIMNIH' KRIVIČNIH PRIJAVA/AMER KAJMOVIĆ

Princip je, uglavnom, isti. Uslovno rečeno nepoznata osoba angažirana na fake portalu i i angažovana na savjetničkoj poziciji u Federalnoj instituciji podnese anonimnu prijavu Tužilaštvu BiH, potom Gordana Tadić "predmetom" zaduži Olega Čavku ili Vedranu Mijović, poslije toga obavijesti Milana Tegeltiju, on informaciju prosljedi svom prijatelju Muhamedu Ajanoviću, nakon čega se "vijest" pojavi na Raportu. Uslijedi onda upit Tužilaštvu BiH koje "potvrdi" da je formiralo predmet, pa sve to postane relevantno. Vijest, potom, prenese fake portal pod pokroviteljstvom Federalnog ministarstva unutrašnjih poslova - Pressmedia. Onda se u priču uključuju RTRS i Poskok, i na kraju se priča internacionalizira posredstvom novinske agencije HINA. Na kraju reaguju Milorad Dodik, Dragan Čović ili Aljoša Čampara, piše [Istraga.ba](#).

Slučaj predsjednika Suda BiH Ranka Debeveca to zorno dokazuje. Evo činjenica i dokaza.

Smijte se vi

Posebna sjednica Predstavničkog doma Parlamentarne skupštine BiH o radu pravosuđa održana je 14. marta 2020. godine. Sjednici su prisustvovali predsjednik Suda BiH Ranko Debevec, glavna državna tužiteljica Gordana Tadić i predsjednik VSTV-a Milan Tegeltija. Veći dio rasprave bio je posvećen neradu Tužilaštva BiH. Vidno iznervirana, Gordana Tadić je zaprijetila zastupnicima.

- Smijte se vi. Ali ko se zadnji smije, najslabije se smije, kazala je glavna državna tužiteljica koju su tokom rasprave, provjerljivo je to, podržali zastupnici SNSD-a i HDZ-a.


Tokom rasprave, Gordana Tadić se obrušila i na Sud BiH, kazavši da se, za razliku od tužilaca, sudije ne ocjenjuju. Bivšem ministru sigurnosti, a danas zastupniku SDS-a Draganu Mektiću poručila je da brani predsjednika Suda koji mu može pomoći u krivičnom postupku protiv njega i uputila državne zastupnike da se posvete borbi protiv koronavirusa.

Pet dana poslije, na adresu Tužilaštva BiH dolazi anonimna krivična prijava protiv predsjednika Suda BiH Ranka Debeveca. Nepoznata osoba ga prijavljuje da je uzeo mito od Jerka Lijanovića, iako nije sudio u tom predmetu, da posjeduje špansko državljanstvo i da trguje uticajem. Gordana Tadić "formira" predmet i daje ga na postupanje tužiteljici Vedrani Mijović. Državna tužiteljica Vedrana Mijović kćerka je SNSD-ovog zvaničnika Slavka Jovičića Slavuja. Ona je postupajuća tužiteljica i u predmetu protiv Dragana Mektića. I ona je najozbiljnija kandidatkinja Gordane Tadić za buduću članicu VSTV-a u ime Tužilaštva BiH.

Kako je zbog koronavirusa uslijedilo "zaključavanje" pravosudnih institucija, predmet je mirovao sve do kraja maja ove godine. Tada, naime, Sud BiH poništava Pravilnik o postupku ocjenjivanja nosilaca pravosudnih funkcija. Predsjednik VSTV-a Milan Tegeltija povodom toga je kazao da su posljedice ove odluke - katastrofalne, jer su sva imenovanja zasnovana na ocjenama, koje u konačnici on daje. Sud BiH je u svom saopćenju optužio VSTV da dezavuišu javnost i "grudva je krenula". Dvadesetak dana poslije javne "prepirke", Tužilaštvo upućuje poziv za saslušanje svjedoku Muhamedu Ajanoviću, dekanu Stomatološkog fakulteta i bliskom prijatelju Milana Tegeltije.

Ajanovićevo svjedočenje

Bosna i Hercegovina
Босна и Херцеговина



Tužilaštvo – Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0018489 20
Sarajevo, 24.06.2020. godine

AJANOVIĆ MUHAMED
Branilaca Sarajeva broj 45,
71000 Sarajevo


POZIV
SVJEDOKU RADI SASLUŠANJA U ISTRAZI

Na osnovu člana 81. stav 2. Zakona o krivičnom postupku Bosne i Hercegovine, pozivate se kao **SVJEDOK**, od strane tužioca Tužilaštva Bosne i Hercegovine, da dodete u prostorije u Tužilaštva BiH, u ulici Kraljice Jelene 88, Sarajevo, na dan:

-Srijeda, 01.07.2020. godine u 9,30 časova,

radi davanja iskaza u svojstvu svjedoka u predmetu koji se vodi kod ovog Tužilaštva pod brojem T20 0 KT 0018489 20.

Ako se ne odazovete pozivu, a svoj izostanak ne opravdate, možete biti prinudno dovedeni ili kažnjeni novčanom kaznom do 5.000,00 KM.

 TUŽILAŠTVA BI

poziv na saslušanje/Istraga.ba/

- Na osnovu člana 81, stav 2 Zakona o krivičnom postupku BiH, pozivate se kao svjedok od strane tužioca Tužilaštva BiH, da dođete u prostorije u Tužilaštvu BiH na dan 1. 7. 2020. godine u 9.30 časova, navedeno je u pozivu dostavljenom dekanu Stomatološkog fakulteta i sivoj eminenciji bh. pravosuđa.

Muhamed Ajanović se odazvao pozivu i, prema informacijama Istrage, svjedočio je o odnosu Ranka Debeveca i zamjenika glavnog disciplinskog tužitelja BiH Mirze Hadžiomerovića, kojeg je, prethodno, zbog podizanja disciplinske tužbe protiv njega, krivično prijavio Ajanovićev i Tegeltijin prijatelj - državni tužilac Oleg Čavka. Muhamed Ajanović je nekoliko dana kasnije ponovo saslušan u vezi sa anonimnom prijavom protiv Ranka Debeveca. Predmet protiv Mirze Hadžiomerovića zadužila je državna tužiteljica Ivana Petković, kojoj je, tvrde sagovornici Istrage iz Tužilaštva BiH, obećano mjesto sudije Suda BiH, dok je predmetom Debevec zadužena - Vedrana Mijović, kćerka zvaničnika SNSD-a Slavka Jovičića Slavuja.

Kako im je u predmetu nedostajalo činjenica za otvaranje istrage protiv Debeveca, Vedrana Mijović formalno-pravno nikad nije donijela naredbu o provođenju istrage. Umjesto toga, istražitelji Tužilaštva BiH su počeli izuzimati dokumente samoinicijativno iz VSTV-a uz prethodnu saglasnost - Milana Tegeltije. Reagirajući na očito kršenje Zakona o krivičnom postupku, Krivični odjel Suda BiH 28. jula usvaja zaključke kojim upozorava Tužilaštvo BiH na nezakonito postupanje prilikom izuzimanja dokumentacije. Slijedi, potom, reakcija Pressmedia, fake portala registrovanog na ocu Mirele Bubalo, savjetnice federalnog ministra unutrašnjih poslova Aljoše Čampare.



BIH NAJNOVIJE VIJESTI

Pravosuđe u ratu: Opstruira li Sud BiH nekoliko velikih predmeta koje vodi Tužilaštvo BiH?

Utorak, 04.08.2020. | BiH | Najnovije | Vijesti



Predsjednik Suda Bosne i Hercegovine Ranko Debevec dostavio je 28. jula 2020. godine Tužilaštvu BiH zaključke koje je donijelo Krivično odjeljenje Suda BiH. Ovi zaključci, kako nam je nezvanično rečeno, predstavljaju još jedan u nizu pokušaja Suda BiH da se opstruira nekoliko aktuelnih

Tekst objavljen na portalu Pressmedia/Istraga.ba/

- Opstruira li Sud BiH nekoliko velikih predmeta koje vodi Tužilaštvo BiH, pitaju se nepoznati autori Pressmedie, registrovane na adresi penzionera - oca bivše uposlenice Općine Novi Grad Sarajevo Mirele Bubalo, koja je, u međuvremenu, prešla u Kabinet ministra Aljoše Čampare.

Dan poslije, tačnije 5. avgusta, portal Raport, kojeg vode prijatelji Muhameda Ajanovića otkrivaju da Tužilaštvo BiH vodi istragu protiv Ranka Debevca. U okviru teksta je navedeno i saopćenje Tužilaštva BiH koje potvrđuje da je formiralo predmet na osnovu anonimne krivične prijave.

Uključena mašinerija



Naslovnica > Politika > Kriminal

POLITIKA KRIMINAL

Raport otkriva | Tužilaštvo BiH istražuje prijavu protiv predsjednika Suda BiH Ranka Debevca zbog korupcije!

Autor: Kenan Kešmer 5.08.2020. 16:38



Tekst objavljen na portalu Raport/Istraga.ba/

m.vecernji.hr

VL

SAID LJUBUANKIĆ

Uhićen zapovjednik policije u BiH: Pritvorio čovjeka zbog komentara na Facebooku

Usred "rata" priopćenjima, koji traje od kraja srpnja, Tužiteljstvo BiH potvrdilo je kako vodi istragu protiv predsjednika Suda BiH **Ranka Debeveca** i to na temelju anonimne prijave kojom ga se tereti za navodnu korupciju.

BiH nema vrhovni sud nego sud na državnoj razini, čija je zadaća procesuiranje najtežih djela organiziranog kriminala, korupcije i ratnih zločina.

Glasnogovornica tužiteljstva **Adisa Karačić** pojasnila je kako je su anonimnu prijavu protiv predsjednika Suda BiH primili u ožujku.


"Navodi se provjeravaju, između ostalog, i putem međunarodne pravne pomoći", kazala je Karačić za portal Raport.ba, no nije iznijela sadržaj anonimne prijave.

Prema navodima ovog portala, predsjednika Suda BiH anonimni prijavitelj tereti da je na sumnjivi način stekao vlasništvo nad automobilom marke "Mercedes" koji je pribavila autokuća "Lijanovići" iz Širokog Brijega, da je **nezakonito zapošljavao** sudske službenike, kao i da ima nekretninu u Španjolskoj i državljanstvo te zemlje.

Tekst objavljen na portalu Večernjeg lista/Istraga.ba/

Sutrađan, 6. avgusta, već je uključena mašinerija. Hrvatska novinska agencija HINA-a, odnosno njeno mostarsko dopisništvo prenosi pisanje Raporta, te donosi detalje iz anonimne krivične prijave, a vijest objavljuju skoro svi mediji u Hrvatskoj, među njima i HDZ-u bliski Večernji list.

Istodobno, tužiteljica Vedrana Mijović intenzivira "istragu" protiv Debeveca. Prema dokumentima koji su u posjedu Istrage, kćerka SNSD-ovog zvaničnika šalje dopis Interpolu, putem kojeg od Španije traži informacije o Ranku Debevecu. Ona je, naime, 3. avgusta, dan prije nego će Pressmedia početi pisati o tom predmetu, Interpolu poslala akt broj T20 O KTA 0018732 kojim se traže informacije o Debevecu. Međutim, španski Interpol odbija dostaviti informacije, jer je zahtjev postupajuće tužiteljice - nepotpun. O svemu tome, Interpol BiH 11. avgusta obavještava Tužilaštvo BiH.



zahtjev upućen interpolu/Istraga.ba

Kako Tužilaštvo BiH ne želi gubiti vrijeme, već sutrađan Vedrana Mijović šalje novi dopis u kojem piše kako je na adresu Tužilaštva BiH pristiglo više prijave, pritome skrivajući činjenicu da su u pitanju anonimne prijave.

- Tužilaštvo BiH raspolaže neprovjerenim informacijama da Ranko Debevec ima imovinu u Španiji, pojasnilo je Tužilaštvo BiH u svom novom dopisu Interpolu, tražeći i informaciju o španskom državljanstvu Ranka Debeveca.

I tako je na osnovu "neprovjerenih informacija", Tužilaštvo započelo bitku protiv Debeveca, koji, prema informacijama Istrage, posjeduje državljanstvo Španije, ali to nije čak ni disciplinski prekršaj, jer većina nosilaca pravosudnih funkcija ima pasoše drugih država. Poput, recimo, glavne državne tužiteljice Gordane Tadić. U nedostatku dokaza za donošenje formalne naredbe o provođenju istrage, tužiteljica Mijović nastavlja provjere. Tako Ministarstvu vanjskih poslova BiH šalje dopis kojim traži informacije o Debevecovim putovanjima izvan BiH.

- Potrebno je da ovom Tužilaštvu BiH dostavite podatke o svim VIP najavama za prelazak državne granice koje su izvršene u periodu od 1.1. 2017. godine do 31.7. 2020. godine za lice Ranko Debevec, piše postupajuća tužiteljica Mijović.

Kako je Debevec štice lice i s obzirom na činjenicu da protiv njega nije donesena naredba o provođenju istrage, ovaj zahtjev je odbijen. Nakon toga, Tužilaštvo BiH na osnovu medijskih napisa formira KTA predmet protiv ministrice vanjskih poslova Bisere Turković, zbog toga što je na službeni put u Ameriku vodila svog sina.

Ko kome pakuje

Uporedo sa koordinisanom akcijom protiv Ranka Debeveca, isti akteri provode i akciju protiv Ureda disciplinskog tužioca. Oleg Čavka je, već smo rekli, podnio prijavu protiv zamjenika glavnog disciplinskog tužioca Mirze Hadžiomerovića, a ključni svjedok protiv njega je dekan Stomatologije i prijatelj Milana Tegeltije - Muhamed Ajanović. A zašto je sporan Hadžiomerović? Pošto je evidentno da ne postoje nikakvi dokazi za krivično gonjenje Ranka Debeveca na osnovu ove anonimne prijave, kao mogućost njegovog uklanjanja ostaje - disciplinski postupak. Za to je potreban Ured disciplinskog tužioca koji bi podnio tužbu protiv Debeveca zbog eventualnog neprijavlivanja državljanstva Španije. Međutim, već ranije je VSTV u drugim predmetima zauzeo stav da to nije kažnjivo čak ni disciplinski, pa je nužno ukloniti Hadžiomerovića kako bi na njegovo mjesto bio doveden neko ko bi, unatoč činjenicama, bio spreman potpisati disciplinsku tužbu protiv Debeveca koju bi kasnije razmatrao - Milan Tegeltija.

Istovremeno, VSTV je nižom ocjenom ocijenio i šeficu Ureda disciplinskog tužioca Alenu Kurspahić čime joj je uskraćeno obnavljanje mandata bez provođenja pune konkursne procedure. Na tu poziciju, prema informacijama Istrage, Tegeltija i njemu skloni kadrovi HDZ-a žele instalirati Ružicu Jukić ili Moniku Mijić kako bi apsolutno kontrolirali taj Ured. No, istraga protiv Hadžiomerovića tapka u mjestu, jer Tužilaštvu nedostaju osnovne stvari - inkriminirajuće činjenice. Stoga se posegnulo za planom B, pa na scenu opet stupa kabinet ministra Aljoše Čampare.

Naime, 27. augusta 2020. godine, u 13 sati i 26 minuta savjetnica federalnog ministra unutrašnjih poslova Aljoše Čampe i kćerka vlasnika portala Pressmedia, Mirela Bubalo, dakle, šalje na sedam adresa anonimnu prijavu protiv direktora Obavještajno sigurnosne agencije BiH Osmana Mehmedagića. U toj prijavi se pominje i predsjednik Suda BiH, njegovo špansko državljanstvo, ali i mediji koji su objavili informacije o Dodikovim prislusnim uređajima na dan dženaze u Potočarima. U anonimnoj prijavi koju su navodno napisali službenici OSA-e, a koju je poslala savjetnica ministra Čampare, navedeno je da je i da se preko UDT-a pakuje glavnoj državnoj tužiteljici Gordani Tadić i MUP-u Republike Srpske.

Krivične prijave

Deset dana kasnije, Milorad Dodik izlazi u javnost sa navodima iz prijave koju je policijskim agencijama uputila Čamparina savjetnica. Optužuje Ranka Debeveca da ima špansko državljanstvo. Dan nakon Dodikove izjave, fake portal Pressmedia registrovan na kućnoj adresi oca Čamparine savjetnice objavljuje tekst pod naslovom : "Svi koji žele dobro BiH neće banalizovati priču o prikrivanju dvojnog državljanstva predsjednika Suda BiH".

Četvrtak, 10.09.2020.



press
BUDITE INFORMISANI



BIH | NAJNOVIJE | VIJESTI

Svi koje žele dobro BiH neće banalizirati priču o prikrivanju dvojnog državljanstva predsjednika Suda BiH, evo i zašto

Četvrtak, 10.09.2020. | BiH | Najnovije | Vijesti



Jučerašnji verbalni obračun predsjednika Suda Bosne i Hercegovine Ranka Debeveca s članom Predsjedništva BiH Milorad Dodikom na najbolji način pokazuje u kakvom stanju se nalazi pravosuđe u našoj zemlji, piše **PRESS**.

Tekst objavljen na portalu Pressmedia/Istraga.ba/

10/09/2020 | 16:22 ⇒ 17:59 | Izvor: RTRS

A A

Sviđa mi se 3

Dijeli

Tweet

Share

EKSKLUZIVNO: RTRS u posjedu krivične prijave protiv Osmana Mehmedagića


RTRS u posjedu krivične prijave protiv generalnog direktora OBA Osmana Mehmedagića koju su zaposlenici u OBA krajem avgusta predali Tužilaštvu BiH.



Osman Mehmedagić (foto:Vijesti.ba/RAS Srbija)

Mehmedagića optužuju za niz krivičnih djela koje je kako navode sprovodio po nalogu SDA sa ciljem diskreditacije političkih protivnika.

Uz Mehmedagića, u prijavi se pojavljuju i rukovodioci službi



Tekst objavljen na portalu RTRS-a/Istraga.ba/

Nekoliko sati nakon ovog teksta Pressmedie, Radio-televizija Republike Srpske na svom portalu ekskluzivno objavljuje: "RTRS u posjedu krivične prijave protiv Osmana Mehmedagića".

Sadržaj prijave koju objavljuje RTRS identičan je anonimnoj prijavi koju je policijskim agencijama poslala Mirela Bubalo, savjetnica federalnog ministra unutrašnjih poslova Aljoše Čampare.

Prva anonimna prijava protiv protiv Debeveca podnesena je 19. marta 2020. godine.

Pratite nas na društvenim mrežama **Facebook**, **Instagram** i **Twitter**, kao i putem aplikacije za **Android** i **iOs**.

TAGOVI

- RANKO DEBEVEC
- ALJOŠA ČAMPARA
- GORDANA TADIĆ
- MILAN TEGELTJA
- MUHAMED AJANOVIĆ
- VEDRANA MIJOVIĆ
- MIRZA HADŽIOMEROVIĆ